



Amor scundù




Image not found or type unknown Idiom: Gherdëina

Ref.:

Amor scundù, amor scundù,
mi richëza, mi legrëza ies tu, ta tu,
tu mé tu, ies tl ciastel de mi cuer tenì su.

Degun brincon po' te sfruté,
degun ladron po' te rubé,
degun patron po' te ciacé
y per dut l or dl mond n'ies nia da giapé.

Ref.

A linëus dl di n'ies nia da urté
tl scur dla nuet no da bussé
y purempò ies for pra mé,
sciche n fuech a me sciaudé.

Ref.

Canche é fiëura de me scassé
l dutor a me tachelné
truep po'l palpé y cumedé
ma tu amor n'ies nia da urté.